

形皆有識識念極微細不可執持佛之威神入彼微識皆令得度此識教化非無識也

法苑珠林卷第八

杜八

釋音

隄

都奚切

裱

彼苗切

沛

傳蓋切

摘

古岳切

楹

以成切

躡

直錄切

切

簪

側吟切

騫

去軋切

馱

唐佐切

藪

音叟切

寤

音候切

憤

上對切

鬧

心亂也

纂

作管切

裳

以制切

頰

酷

苦屋切

耽

丁含切

屏

上音餅切

蔚

細勿切

蒨

於為

渝

羊晉切

梯

上土雞切

綰

疾陵切

法苑珠林卷第九

千佛之二

杜九

大唐上都西明寺沙門釋道世字玄暉撰

出胎部第六

此別入部

述意部

迎后部

感瑞部

誕孕部

招福部

降邪部

同應部

校量部

述意部第一

◎

敬思定光授記逆号能仁玄符合契故託化釋種萌兆於未形之前跡乎於已生之後照炳人天聯綿曠劫其為源也遠乎勝矣所以神形六動方行七步五淨雨華九龍灑水神瑞畢臻吉徵揔萃觀諸百代曾未之有然後孕異堯軒產殊禹偃至如黑帝入夢之兆白光蒲室之徵徒曰嘉祥詎可擬議身邊則光色一丈眉間則白毫五尺開卍字於曾前躡千輪於足下大略以言三十有二非可以龍頰虎鼻八采雙瞳方我妙色較其升降者也迎后部第二

如佛本行經云介時菩薩聖母摩耶懷孕菩薩將滿十月垂欲生時時彼摩耶大夫人父善覺長者即遣使人詣迦毗羅淨飯王所又云夫人父名善智奏大王言如我所知我女摩耶王大夫人懷藏聖胎威德既大若彼產出我女命短不久必終我意欲迎我女摩耶還我安止住於嵐毗尼中共相娛樂盡父子

情惟願大王莫生留難乞垂哀愍遣放女來
我家產訖即遣送還時淨飯王聞善覺使作
是言已即勅有司其迦毗羅城及提婆陀河
兩間之中平治道路具辦幡華種種音樂僕
從人物不可稱計送妃至家自外云云
感瑞部第三

如普曜經云太子滿十月已臨產之時先現
瑞應三十有二一後園樹木自然生果二陸
地生青蓮華大如車輪三陸地枯樹皆生華
葉四天神牽七寶交露車至五地中二萬寶
藏自然發出六名香好熏遍布遠近七雪山
中出五百白師子羅住城門無所燒害八五
百白象子羅住殿前九天爲四面細雨澤香
一十其王宮中自然泉水百味飲食給諸虛
渴十一諸龍王女在虛空中現半身住十二
天万玉女抱孔雀拂現宮牆上十三諸天玉
女持萬金瓶盛甘露住虛空中十四天萬玉
女手執万瓶皆盛香水行住虛空十五天萬
朱林九

玉女手執幢蓋而住侍焉十六諸天玉女羅
列而住鼓百千樂在於虛空自然相和十七
四瀆江河清澄不流十八日月宮殿停住不
進十九沸宿下侍諸星衛從二十交露寶帳
普覆王宮二十一明月神珠懸於殿堂光明
晃煜二十二宮中燈火爲不復明二十三篋
笥衣被被在拋架二十四奇瓊瓔珞一切寶
藏自然出現二十五毒虫隱藏吉鳥翔鳴二
十六地獄皆休毒痛不行二十七地爲大動
丘墟皆平二十八四衢街巷平正散華二十
九諸深坑漸悉皆爲平三十魚獵怨惡一時
慈心三十一境內孕婦產者悉男聾盲瘖啞
瘡殘百疾皆悉除愈三十二一切樹神半身
出現佞首頂禮是爲三十二瑞當此之時壇
場左右莫不雅奇歎未曾有
誕孕部第四 如因果經云菩薩處胎垂滿
十月身諸支節及以相好皆悉具足夫人憶
入園遊觀王勅後宮端正姝女凡有八萬四

千以用侍摩耶夫人又擇取八萬四千端正童女齎持香華往藍毗尼園王又勅諸群臣百官夫人皆悉徒從於是夫人即升寶輦與諸官屬及姝女前後導從往藍毗尼園卅時復有天龍八部亦皆隨從充滿虛空十月滿足於四月八日卅日初出時夫人見後園中有

一大樹名曰無憂華色香鮮枝葉分布極爲茂盛即舉右手欲牽摘之菩薩漸漸從右脅而出菩薩處胎經云佛告弥勒當知汝復受記五十六億七千萬歲於此樹王下成無上等正覺我以右脇生汝弥勒從頂生如我壽百歲弥勒壽八萬四千歲我國土土汝國土金我國土苦汝國土樂 又依菩薩本行經云卅時菩薩見母立地以手攀樹枝時在胎正念從坐而起自餘一切諸衆生母欲生子時身體遍痛受大苦惱數坐數起不能自安其菩薩母熙怡坦然身受大樂是時摩耶夫人立地以手執波羅义樹枝訖即生菩薩此

是菩薩希奇之事未曾有法表如來得成於佛已無疲勞倦能拔一切諸煩惱根割斷一切諸煩惱結猶如截於多羅樹頭畢竟不生無相無形無後生法此是如來往先瑞相又復一切諸衆生等生苦逼故在於胎內處處移動菩薩不然從右脇入還住右脇在於胎內不曾移動及欲出時從右脇生不爲衆苦之所逼切此是菩薩未曾有事表成佛已盡其後際修行梵行永無有畏常得快樂無復諸苦 又菩薩初從母胎右脇正念生時放大光明悉皆遍照此是菩薩未曾有事表成佛已裂破無明黑暗之網能出明淨大智慧之光又菩薩初從右脇出已正心憶念時菩薩母身體安常不傷不損無瘡無痛菩薩母身如本無異此是菩薩未曾有法表成佛已行於梵行不歟不減具足不少 又菩薩初從母胎出時無苦無惱安庠而起一切諸穢不能汙染不同衆生辟如如意瑠璃之寶

用於迦尸迦衣裏時各不相染此是菩薩未曾有法表成佛已在於世間住於世間示希有法世間穢濁不汗不染 又菩薩初從母胎出時時天帝釋將天細妙憍尸迦衣裏於自手於先承接擊菩薩身此是菩薩未曾有法表成佛已創為娑婆世界之主大梵天王

朱林九

四

云

於先勸請如來說法 又菩薩初從右脇生時四大天王抱持菩薩將向母前示其母言世大夫人今可歡喜夫人生子既得人身諸天猶尚歡喜讚歎況復於人此是菩薩未曾有法表成佛已無量四衆皆向如來聽受於法依如來教不違不肯又菩薩生已立在地仰觀於母右脇之時口作是言我此身形從今日後不復更受於母脇中不入胎卧此是於我最末後身我當作佛此是菩薩未曾有法表成佛已口作是言我今生分一切已盡梵行已立所作已辦不受後有此是如來往先瑞相 又涅槃經云菩薩初生之時於

十方面各行七步摩尼跋陀富那跋陀鬼神大將執持幡蓋振動無量無邊世界金色晃曜彌蒲虛空難陀龍王及跋難陀以神通力浴菩薩身諸天形像承迎禮拜阿私陀仙合掌恭敬盛奉捨欲如棄涕唾不為世樂之所迷惑出家修道樂於閑寂為破邪見六年苦

行於諸衆生平等無二心常在定初無雜亂相好嚴麗莊飾其身所遊之處丘墟皆平衣服離身四寸不隨行時直視不顧左右所食之物物無完過坐起之處草不動亂為調衆生故往說法心無憍慢 招福部第五

如因果經云太子生時于時樹下亦生七寶

朱林九

云

七莖蓮華大如車輪菩薩即便墮蓮華上無扶持者自行七步大善推經云行七步者為應七覺意耶舉其右手而師子吼云我於一切天人之中最尊最勝無量生死於今盡矣說是語已時四天王即以天繒接太子身置寶机上釋提桓因手執寶蓋大梵天王又持白拂侍立左右難

陀龍王優波難陀龍王於虛空中吐清淨水

一溫一涼灌太子身普羅經云諸天釋梵雨

香水大王洗浴菩薩身置金瓶上修行本起經云

龍王兄弟左雨溫水右雨冷身黃金色三十

二相放大光明普照三千大千世界迦維羅

衛國三千日月萬二千天地之中央也便有一百

萬日月四千萬億天下三千者略舉其要故

是軒轅氏之郭氏注云天竺國也以葱嶺之

外稱爲九夷語其壯麗勝於中國吳越春秋

夷之國豈有此孝難此而辨未必即地爲正

故當隨其時代改張不可同於中天始未常定

又智度論問曰何故佛作金色答曰若鐵在

金邊則不現今現在金比佛在時金則不現

佛在時金比閻浮那金則不現閻浮那金比

大海中轉輪聖王道中金沙則不現金沙比

金山則不現金山比須彌山金則不現須彌

山金比三十三諸天瓔珞金則不現三十三

天瓔珞金比炎摩天金則不現炎摩天金比

兜率陀天金則不現兜率陀天金比化自在

天金則不現化自在天金比他化自在天金

則不現他化自在天金比菩薩身色則不現

如是妙色是名金色相

又瑞應經云太子初生之時天龍八部示於

虛空作天伎樂歌頌讚頌燒香散華雨衆天

衣瓔珞續紛不可稱數又於樹下忽生四井

八功德水瑞應有三十四相不可具說略同

十二相降邪部第六

如瑞應經云太子初生之時是時大王即嚴

四兵共諸臣等入園見太子奇瑞如是一喜

一懼合掌禮諸天神前抱太子置於七寶象

輦之上與諸群臣媵女諸天作伎隨從入城

王未識三寶即將太子往詣天祠太子即入

梵天形像皆從坐起禮太子足而語王言大

王當知今此太子天人中尊虛空天神皆悉

禮敬大王豈不見如是相耶云何而令來此

禮我白淨王及諸大臣等歎未曾有即將太

子出於天祠還入後官普曜經云太子至祠

說偈言

初生動三千 釋梵須倫神 日月東天王

來誓頭面禮 何有天過是 將吾到其所

超天天中天 天無比况勝 隨俗來現此

現瑞人歡喜 若干眾奉養 過聖天中天

於是天王釋梵四王各捨本位尋時來下五

體投地禮菩薩足諸天人百千之眾默然

歎嗟稱揚洪音歎未曾有歡喜踊躍天地大

動天雨眾華百千伎樂不鼓自鳴諸天形像

現其本身禮菩薩足則在前住於是頌曰

須彌比芥子 過天龍王變 日月禮勞耶

慧德豈禮敬 三千界自歸 芥子比須彌

牛跡比大海 上尊逾日月 若能禮其尊

功福不可計 各各得安隱 德豐無限量

同應部第七

如瑞應經云當尔之時諸釋種姓亦同一日

生五百男修行本起經云國中八萬四千長

者生子悉男八萬四千廐馬生駒其一特異

朱林九

七

毛色純白駿驕貫珠故名為蹇持奴名闡持

又瑞應本起經云奴名車匿馬名捷陟時王

廐中象生白子馬生白駒牛羊亦生五色羔

犢如是等類數各五百王子青衣亦生五百

倉頭普曜經云五千尔時宮中五百伏藏自

然發出有諸商人從海採寶而還各賣奇珍

奉貢上王諸瑞吉祥當名太子為悉達尔時

八王子亦於白淨王同生太子各懷歡喜共

制好名又佛本行經云迦維羅國有八城

合有九百万戶調達以四月七日生佛以四

月八日生佛弟難陀以四月九日生阿難以

四月十日生調達身長一丈五尺四寸佛身

長一丈六尺難陀身長一丈五尺四寸阿難

身長一丈五尺三寸其貴姓舍夷長一丈四

尺其餘國種皆長一丈三尺菩薩外家去城

八百里姓瞿曇氏作小王主百萬戶名一億

王菩薩婦家姓瞿曇氏舍夷長者名水光其

婦母名月女有一城居近其邊生女之時日

將欲沒餘明照其家室內皆明因字之為瞿
 夷晉言明女瞿夷者是太子第一夫人其父
 名水光長者太子第二夫人生羅雲者名耶
 維檀其父名移施長者太子第三夫人名鹿
 野其父名澤長者以有三婦故太子父王為
 立三時殿殿有二萬姝女三殿九有六萬姝
 女以太子當作遮迦越王故置有六萬姝女
 校量部第八

如瑜伽論云四種入胎一正知而入不正知
 住出二正知入住不正知而出三俱能正知
 四俱不正知初謂輪王二謂獨覺三謂菩薩
 四謂所餘有情實性論偈云

從天退入胎 現生有父母 在家亦嬰兒
 習學諸伎藝 戲樂及遊行 出家行苦行
 現就外道學 降伏於天魔 成佛轉法輪
 示導入涅槃 諸薄福衆生 不能見如來
 瑞應經云太子四月八日夜明星出時生又
 佛所行讚云於三月八日菩薩從右脇生過
 社 卷九

去現在因果經云二月八日夫人往毗藍尼
 菌見無憂華舉右手摘從右脅出今謂世代
 既遙譯人前後直就經文難可論辯考求外
 典如似可見春秋云魯莊公七年即莊王一
 十季四月辛亥恒星不見星殞如雨檢內外
 以四月為正也 侍養部第七此別三部

述意部 養育部 善微部

述意部第一

夫神妙寂通圓智湛照道絕於形識之封理
 畢於生滅之境形識又絕豈實誕於王宮生
 滅已畢寧假資於侍衛但大聖應生本期利
 物有感斯現無幽不曠機化萬途受說非一
 或假安禪悟道或藉慧解開襟或示嬰孩扶
 侍或現乳哺資養緣悟多種不可一例此是
 誘物之能濟俗之術也 養育部第二
 依佛本行經云尔時太子既誕生適滿七日
 其太子母摩耶夫人遂便命終或有師言摩
 耶夫人壽命算數唯三七日是故命終雖然

但往昔常有是法其菩薩生滿七日已而菩薩母皆取命終何以故以諸菩薩幼年出家母見是事其心碎裂即便命終又薩婆多師母見生子身體端正希奇之事歡喜不勝即便命終命終之後即便往生初利天上時淨飯王見夫人命終之後即便喚召釋種皆令

朱九

九

去

雲集而告之言汝等眷屬並是國親今是童子嬰孩失母乳哺之寄將付囑誰教令養育使得存活誰能憐愍愛如已生時有五百釋種新婦彼等新婦各各唱言我能養育我能瞻看時釋種族語彼婦言汝等一切年少盛壯意耽色欲不能依時養育依法慈憐唯比摩訶波闍波提親是童子真正姨母是故堪能將息養育童子之身時淨飯王即將太子付囑姨母而告之言善來夫人如是童子應當養育善須護持應令增長依時澡浴又別簡取三十二女令助養育以八女人擬抱太子以八女人洗浴太子以八女人令乳太子

以八女人令其戲弄是時摩訶波闍波提白淨飯王言謹依王勅不敢乖違

善微部第三

又佛本行經云從太子出生已來淨飯王家日日增長一切財利金銀珍寶二足四足無所乏少而說偈言

五穀及財寶 金銀諸衣服 或造或不造

自然得充足 童子及慈母 乳酪蘇常豐

慈母少乳者 悉皆得盈溢

時淨飯王所有怨讎自然皆悉生平等心已

漸生親厚同一心意風雨隨時無諸災雹亦

無擾亂少種多收一切人民如法而行種種

布施作諸功德人無狂橫皆並歡喜猶如天

上無有差殊以太子威德力故如是諸事莫

不成就如偈所說

人卅順尊教 不慳亦不惜 無不如法行

慈心不起熱 飢渴既得解 飲食皆充足

一切悉歡喜 並受如天樂

又普曜經云菩薩生已七日其母命終受切利天上福相適昇彼天五萬梵天各執寶瓶二萬梵魔妻手執寶縷侍菩薩母又瑞應本起經云菩薩本知母人之德不堪受其禮故因其將終而從之生又大善權經云生後七日其母薨福應昇天非菩薩咎又因果經云杜朱九

太子姨母摩訶波闍波提乳養太子如母無異 占相部第八此別部

述意部 勅占部 呈恭部 現相部

業因部 同異部 校量部 百福部

述意部第一 夫至聖無方隨緣顯晦澄神虛照應機如響所謂寂然不動感而遂通於

是降神兜率之宮垂像迦毗之域家世則輪王逆襲門望則聖道相因地中三千既殊於洛邑國朝八萬有逾於稽嶺宗親藉甚熟可詳焉縱呂工之相高帝世謂知人若私陞之視吾師未可同日較其優劣昇沉有異也 勅占部第二 如瑞應經云余時白淨王令

訪得五百聰明相師令占太子相師言是王之子乃是世間之眼猶如真金有諸相好極為明淨若當出家成一切種智若在家者為轉輪聖王領四天下第一之最又白王言有一梵仙名阿私陀具足五通在於香山彼能為王斷於疑惑時王心自思惟香山途路嶮

絕非人能到當以何方請來至此王作念時阿私陀仙遙知其意騰空而來為王相之王見來已喜慰不可言王及夫人抱太子出欲禮仙人時仙人止王曰此是天人三界中尊云何而令禮於我耶時彼仙人即起合掌禮太子足王及夫人白仙人曰唯願善相太子杜朱九

仙人相已忽然悲泣不能自勝王及夫人見彼仙悲泣舉身戰怖生大憂惱如大波浪動於小船即問仙人我子有何不祥而悲泣耶荅言太子相好具足無有不祥但恨我今年壽已百二十不久命終生無想天不覩佛興不聞經法故自悲耳若有衆生具三十二相

或生非處久不明顯此人必為轉輪聖王若三十二相皆得其處又復明顯此人必成一切種智我今觀大王太子諸相皆得其所又極明顯是以決定知成正覺仙人為王說此語已辭別而退 又佛本行經云大王我今自慨年耆根熟衰朽老邁當於今時不得觀見失此大利是故我今悲惋自傷非彼不吉即為大王而說偈言

自恨我有大顛倒 不值此當得道時
空過一生無所聞 豈非是我失大利
我今年老根純熟 死時將至不復賒
念此生分得遭逢 所以一喜一憂懼

大王釋種方興盛 誕此童子福德人
一切諸苦遍世間 此悉能令得安樂

呈恭部第三 依佛本行經云是時摩耶
詣童子所至已持手抱童子頭令向仙人擬
禮拜仙人之足是時童子威德力故其身
自轉足向仙人時淨飯王更復共扶迴童子

頭令拜仙人童子力故足還自轉向彼仙人時淨飯王復迴童子頭向仙人還復轉足如是至三其阿私陁遙見童子是時童子放常光明照觸大地童子威德端正可喜色純黃金頭如寶蓋鼻直而圓脣脣下垂支節正等無缺無減具足莊嚴時阿私陁即從坐起白

於王言大王莫將童子聖頭迴向於我何以故彼頭不合頂禮我足我頭應當頂禮彼足復唱是言希有希有大人出世最大希有大

杜宋九

十三

去

復本座本座坐已還下童子置於膝上現相部第四 如佛本行經云時淨飯王復白仙言大師我意欲令我子常在云何方便及令幼年勿使捨我阿私陁仙復白王言大王我實不能專正決定說是方便令作障礙時淨飯王復語仙人作如是言大師善聽

我今當作種種方便設方便已不令我子從
 今勿稚及到盛年不聽暫離捨我出家阿私
 陀仙即問王言大王今者因何事故說如是
 語時淨飯王報彼仙人阿私陀言尊師當知
 如我國內所有相師皆語我言若是童子在
 家當作轉輪聖王以是因緣我如是語阿私
 陀仙復白王言大王當知彼等相師皆大妄
 語何以故如是勝相非是轉輪聖王之相今
 此童子有百善相八十隨形挺特殊好分明
 炳著皆悉具足時淨飯王問仙人言大師何
 等是八十隨形好時阿私陀具白王言具說八十
 種好者種好文殊經今依勝天王經說故勝天王經佛自說云八十

種好者一無能見頂三頂骨堅實三額廣平
 正四眉高而長形如初月紺琉璃色五目廣
 長六鼻高圓直而孔不現七耳厚廣長埵輪
 成就八身堅實如那羅延九身分不可壞十
 身節堅密十一合身迴顧猶如象王十二身
 有光明十三身調直十四常少不老十五身

杜朱九

十三

六

恒潤澤十六身自將衛不待他人十七身分
 滿足十八識滿足十九容儀具足二十威德
 遠震二十一一切向不背他二十二住處安
 隱不危動二十三面門如量不大不長二十
 四面廣而平二十五面圓淨如滿月二十六
 無顛顛容二十七進止如象王二十八容儀
 如師子王二十九行步如鵝王三十頭如摩
 陀那果三十一身色光悅三十二足趺厚三
 十三爪如赤銅葉三十四行時印文現地三
 十五指文莊嚴三十六拍文明了不闇三十
 七手文明直三十八手文直三十九手文不
 斷四十手足如意四十一手足紅白色如蓮
 華四十二孔門相具四十三行步不減四十
 四行步不過四十五行步安平四十六齋深
 厚狀如盤蛇團圓右轉四十七毛色青紅如
 孔雀項四十八毛色潤淨四十九身毛右旋
 五十口出無上香身毛皆尔五十一脣色潤
 澤如頻婆果五十二脣潤相稱五十三舌形

薄五十四一切樂觀五十五隨衆生意和悅
與語五十六於一切處無非善言五十七若
見人先與語五十八音聲不高不下隨衆生
樂五十九說法隨衆生語言六十說法不著
六十一等觀衆生六十二先觀後作六十三
發一音答衆聲六十四說法次第皆有因緣
六十五無有衆生能見相盡六十六觀者無
厭六十七具足一切音聲六十八顯現善色
六十九剛強之人見則調伏恐怖者見即得
安隱七十音聲明淨七十一身不傾動七十
二身分大七十三身長七十四身不染七十
五光遍身各一丈七十六光照身而行七十
七身清淨七十八光色潤澤猶如青珠七十
九手足滿八十手足德字依佛說寶女經云
於是寶女問世尊曰如來有三十二大人之
相前世宿命行何功德而致是相遍布于體
佛告寶女吾往古世行無量德合集衆行由
得是相遍于身體今粗舉要如來之相足安
十九

平立大人相者乃往古世堅固勸助而不退
轉未曾覆蔽他人功德故 如來手足而有
法輪大人相者乃往古世興設若干種種施
故如來至真指纖長好大人相者乃往古世
別說經義救護衆生令無患故如來手足生
網縵理大人相者乃往古世未曾破壞他人
眷屬故 如來手足柔輭微妙大人相者乃
往古世而以惠施若干種衣細軟服故如來
而有七合充滿大人相者乃往古世廣設衆
施供諸乏故 如來之膝平正無節踣腸如
鹿大人相者乃往古世奉受經典不違失故
如來之身其陰馬藏大人相者乃往古世謹
慎已身遠色欲法故 如來之身類車充滿
猶如師子大人相者乃往古世廣修淨業修
行備故 如來至真常於曾前自然卍字大
人相者乃往古世蠲除穢濁不善行故
如來支體具足成就大人相者乃往古世施
以無畏安慰人故 如來手臂長出於膝大

人相者乃往古世人有作事佐助勸故如來
 身淨而無瑕疵大人相者乃往古世奉行十
 善無歇足故 如來腦戶充滿弘備大人相
 者乃往古世其有病者施若干種藥瞻視療
 故 如來師子頰大人相者乃往古世殖衆
 德本具足備故 如來具四十齒白齊密大
 人相者乃往古世志性等仁於衆生故如來
 牙齒無有間踈大人相者乃往古世救人諍
 鬪令合故 如來頰牙大人相者乃往古
 世則以微妙可意之物而施與故 如來清
 白美好髮眉大人相者乃往古世善自護己
 身口心故 如來廣長舌大人相者乃往古
 世出言至誠護口之過故 如來疊疊大人
 相者以無量福供養究竟心行仁和與衆生
 願使得覆蓋故 如來梵聲哀鸞之音大人
 相者乃往古世言語柔和與衆人言護口節
 辭無央數人聞其所語無不悅故 如來瞳
 子如紺青色大人相者乃往古世常以慈目

察衆人故 如來之眼如月初生大人相者
 乃往古世無龐暴志心性和順故 如來眉
 間白毫大人相者乃往古世咨嗟歌誦閑居
 之德衆行故 如來頂上肉髻自然大人相
 者乃往古世奉敬賢聖禮尊長故 如來肌
 體柔輒妙好大人之相者乃往古世心念合集
 法品蔽故 如來身形紫磨金色大人相者
 乃往古世多施衣服卧具牀故 如來之體
 一一毛生大人相者乃往古世離於集會衆
 鬧之故 如來之毛向上右旋大人相者乃
 往古世尊敬於師受善友教稽首從故
 如來頭髮如紺青色大人相者乃往古世慙
 傷群黎不以刀杖而加害故 如來之身平
 正方圓無有斜曲大人相者乃往古世已身
 衆生勸化安之令定意故 如來之脊如大
 鈎鎖善有威曜巍巍之德大人相者乃往古
 世為諸正覺興立形像繕脩壞寺其離散者
 勸使和合施無畏懼其諍訟者化令相順故

汝欲知之吾往世時行於無量不可計會衆
德之本故如來宿世奉行如斯乃能致此三
十二大人之相也 如第二十二梵聲相中
依新婆沙論云如來梵聲相謂佛於喉蔽中
有妙大種能發悅意和雅梵音如羯羅頻迦
鳥及發深遠雷震之聲如帝釋鼓如是音聲

壯 朱九

十六

六

具八功德一者深遠二者和雅三者分明四
者悅耳五者入心六者發喜七者易了八者
無厭 大智度論云如來有梵聲相如梵天
王五種聲而從口出一甚深如雷二清徹遠
聞聞者悅樂三入心敬愛四諦了易解五聽
者欲聞無厭菩薩亦有如是五種聲從口中

出迦陵毗伽聲相可愛如大鼓音深遠
又新婆沙論問相是何義答慳懃義是相義
殊勝義是相義祥瑞義是相義問何故丈夫
相唯三十二不增不減耶脇尊者說曰若增
若減俱亦生疑不違法相說有三十二者世
間共許是吉祥義數不增減若三十二相壯

嚴佛身則於世間最勝無比若常減者便有
闕少若更增者則為雜亂皆非殊妙故唯介
所三十二丈夫相也 又智度論問是三
二相三業之中何業種耶答曰是意業非身
口業是意業利故又六識中是意識非五識
以五識不能分別故問曰是三十二相幾時

能成種答曰極遲百劫極疾九十一劫釋迦
牟尼菩薩九十一大劫行辦得三十二相如
經中言過去久遠有佛名弗沙時有二菩薩
一名釋迦牟尼一名弥勒弗沙佛欲觀釋迦
牟尼菩薩心純熟未即觀見之知其心未純
熟而諸弟子心皆純熟又弥勒菩薩心已純

壯 朱九

十七

六

孰而弟子未純熟是時弗沙佛如是思惟一
人之心易可速化衆人之心難可疾治如是
思惟竟弗沙佛欲使釋迦菩薩疾得成佛上
雪山上入寶窟中入火禪定是時釋迦菩薩
作外道仙人上山採藥見弗沙佛坐寶窟中
入火禪定放大光明見已心生歡喜信敬翹

一脚立叉手向佛一心而觀目未曾瞬七日

七夜以一偈讚佛

天上天下無如佛

世界所有我盡見

七日七夜諦觀世尊目未曾瞬超越九劫於

九十一劫中得阿耨菩提釋迦菩薩貴其心

思不貴多言若更以餘偈讚佛心或散亂是

故七日七夜以一偈讚佛問曰何故釋迦菩

薩心不純熟而弟子純熟彌勒菩薩自心純

熟而弟子不純熟耶答曰釋迦菩薩饒益眾

生心多自為身少故彌勒菩薩多為己身少

為眾生成故 業因部第五 如得無垢女經

云佛言菩薩成就四法得三十二丈夫相何

等為四一把金散佛或散浮屠二常以香油

塗如來塔三種華香伎樂布施四眷屬相

隨供養和尚阿闍梨等尔時世尊而說偈言

把金散浮屠 香油塗佛塔 施以華香樂

敬心供養師 行如是四法 得三十二相

端正甚奇妙 一切功德具

菩薩成就四法得八十種好何等為四一種

種妙衣莊嚴法座二供養他人不生倦三

於法師所不作鬪亂四教諸眾生修菩提行

尔時世尊而說偈言

妙衣嚴法座 供養他不倦 教眾生菩提

易得八十好 菩薩修行此 四種功德故

常於一切時 有勝相莊嚴

同異部第六 如新婆沙論問八十隨好為

在何處答在諸相間隨諸相轉莊嚴佛身令

極妙好間相與隨好不相障奪耶答不尔相

與隨好更相顯發如林中華顯發諸樹佛身

如是相好莊嚴又如金山眾寶雜飾問菩薩

所得三十二相與輪王相有何差別答菩薩

所得四事勝一熾盛二分明三圓滿四得處

復有五事勝一得處二極端嚴三丈像深四

隨順勝智五隨順離染 校量部第七

佛阿毗曇經云以一千阿僧祇世界眾生所

佛阿毗曇經云以一千阿僧祇世界眾生所

有功德成佛一毛孔如是成佛一毛孔功德
遍如來身毛孔功德成佛一好如是成就八
十種好功德增為百倍乃成如來身上一相
所成就三十二相功德增為千倍乃成如來
額上一白毫相以一千毫相功德增為百倍
乃成如來一頂骨相一切飛天所不能見頂

如是不思議清淨功德聚成就佛身是故如
來於天人中最為尊勝 百福部第八

依優婆塞戒經云佛言菩薩修一一相以百
福德而為圍遶修心五十具思心五十是則
名為百種福德善男子一切世間所有福德
不及如來一毛功德如來一切毛孔功德不

如一好功德聚合八十種好功德不如一相
功德一切相功德不如白毫相功德白毫相
功德復不及無見頂相功德是故如來成就
具足無量功德是三十二相即是大悲之果
報又新婆沙論問如契經說佛一一相百福
莊嚴何謂百福答此中百思名為百福何謂

林九

十九

十九

十九

百思謂如菩薩造作增長足善住相業時先
起五十思脩治身器令淨調柔次起一思正
牽引彼後復起五十思令其圓滿譬如農夫
先治畦隴次下種子後以糞水而覆澆之彼
亦如是始足善住相業有如是百思莊嚴乃
至頂上烏瑟膩沙相業亦復如是由此故說
佛一一相百福莊嚴問何者五十思耶答依
十業道各有五思謂依離業道有五思一離
殺思二勸導思三讚美思四隨喜思五迴向
思謂迴所脩向善提故乃至正見亦亦是名
五十思有說依十業道各起下中上上勝上
極五品善思如雜脩靜慮有說依十業道各
起五思一加行淨二根本淨三後起淨四非
尋所害五念攝受有說緣佛一相起五十刹
那未曾習思相續而轉問如是百福一一量
云何有說若業能感轉輪王位於四大洲自
在而轉是一福量有說若業能感天帝釋位
於二天衆自在而轉是一福量有說若業能

感他化自在天王位於一切欲界天衆自在而轉是一福量有說若業能感大梵天王位於初靜慮及欲天衆自在而轉是一福量有說娑訶世界主大梵天王勸請如來轉法輪是一福量問彼請佛時是欲界繫無覆無記心云何名福有說彼住梵世欲來請時先起如是善心我當爲諸有情作大饒益請佛轉法輪尔時即名得彼梵福此不應理所以者何非未作時已成就故如是說者彼請佛已還至梵宮後世尊轉法輪時地神先唱如是展轉聲徹梵宮梵王聞已歡喜自慶發純淨心而生隨喜尔時乃至成就此福有說世界成時一切有情業增上力能感三千大千世界是一福量有說除近佛地菩薩餘一切有情所有能感富樂果業是一福量有說此中一一福量應以喻顯假使一切有情皆悉生育有一有情以大方便令俱得眼彼有情福是一福量復次假使一切有情皆飲毒藥

林九

林九

云

云

悶亂將死有一有情令皆除毒心得醒悟彼有情福是一福量復次假使一切有情皆被縛錄臨當斷命有一有情俱令解脫一時得命彼有情福是一福量復次假使一切有情壞戒壞見有一有情能令俱時戒見具足彼有情福是一福量評曰如是說所說皆是純淨意樂方便讚美菩薩福量然皆未得其實如實義者菩薩所起一一福量無量無邊以菩薩三無數劫積集圓滿諸波羅蜜多已所引思願極廣大故唯佛能知非餘所測如是所說廣大福量具足滿百莊嚴一相展轉乃至三十二相皆具百福佛以如是三十二百福莊嚴相及八十隨好莊嚴其身故於天上人中最尊最勝

遊學部第九此別四部

述意部 召師部 擁力部 校量部

述意部第一 竊聞一切種智号悉達多樹自三祇之初獨高百劫之末摠法界而爲智竟虛空以作身然身無不在量極規矩之

外智無不為用絕思議之表不可以人事測
豈得以處所論將啓愚夫之視聽湏示聖人
之影迹或復示居外道或復現作瞳矇應同
類而誘凡隨異形而化物然後稱無上士号
天中天良由愚智潛通凡聖難測不思議德
而功莫大焉 召師部第二 如佛本行

私 經云時淨飯王知其太子年已八歲 因果經云年至

七 即會百官群臣宰相而告之言卿等當知

今我化內誰最有智智能悉通堪為太子作

師諸臣報言大王當知今有毗奢婆蜜多羅

善知諸論最勝最妙如是大師堪教太子 下已

述略 王即遣召而告之言尊者大師能教我太

子一切伎藝諸書論不時蜜多報言大王謹

依王命我今甚能心生歡喜即嚴五百釋種

童子前後左右別有無量無邊童男童女隨

從太子將昇學堂時彼大師遙見太子感德

力故不能自禁遂使其從座忽起起屈身頂

禮於太子足禮拜起已四面顧視生大羞慙

時蜜多羅生慙愧已於虛空中有一天子名
曰淨妙從兜率宮共於無量無邊最大諸天
神王恒常守護太子在彼虛空隱身不現而
說偈言 世間諸伎藝 及餘諸經論
此人悉能知 亦能教示他 是勝衆生者
隨順世間故 往昔久習來 今示從師學

出世所有智 諸諦及諸力 因緣所生法

生已及滅無 一念知彼等 名色現不現

猶尚能證知 况復諸文字

尔時天子說此偈已以種種華散太子上即

還本宮尔時太子即初就學將好最妙牛頭

旃檀作於書板純用七寶莊嚴四緣以天種

種殊特妙香塗其背上執持至於毗奢婆蜜多

羅阿闍梨所而作是言尊者闍梨教我何書

自下太子 或復梵天所說之書 今婆羅門書

法盧虱吒書 廣為說書 富沙迦羅仙人說書 正有十四音是

阿迦羅書 隋言 曹伽羅書 隋言 邪寐 反

尼書 隋言 耶那尼迦書 指言

波流沙書隋言 娑伽羅書特隋言

陀毗茶國書隋言 父與書隋言

度其差那婆多書右隋言

僧佉書隋言 阿婆勿陀書隋言

毗耶寐奢羅書雜隋言

西瞿耶尼書西漢 阿沙書疏勒

摩那書斗科末 茶叉羅書字中

富數波書提婆書 那伽書龍

乳闍婆書天音 阿脩羅書不飲

迦緊那羅書非人 摩睺羅伽書地天

諸歌 迦迦婁多書音鳥 浮摩提婆書地天

安多梨叉提婆書虛空 鬱多羅拘盧書北

逋婁婆毗提呵書東漢 烏差婆書舉

書 娑伽羅書海 跋闍羅書剛金

犁伽書復往 毗棄多書食 阿菟淨多書未

奢娑多羅跋多書如伏 伽那那跋多書轉

優差波跋多書轉舉 尼差波跋多書轉

波羅婆尼書樹

毗多茶書起

脂羅佉書形

優波伽書嚴

阿菟盧摩書鳥

波羅婆尼書樹

毗多茶書起

脂羅佉書形

優波伽書嚴

阿菟盧摩書鳥

陀羅多書鳥

支那國書即此

毗多悉底書尺

夜叉書龍

迦婁羅書金

迦遮迦書地

佉書上句 毗拘多羅波陀那地書從二

耶婆陀輸多羅書增上句 末茶婆晒尼書中

梨沙邪婆多波侈比多書諸山 陀羅尼卑叉

梨書地 伽伽那卑麗叉尼書觀虛 薩蒲沙地

尼山陀書草一切 沙羅僧伽何尼書紫

薩婆常多書種一切

爾時太子說是書已復諮密多阿闍梨言此

書凡有六十四種未審尊者欲教我何書是

時多羅聞於太子說是書已內心歡喜悅豫

熙怡密懷私慙折伏貢高我慢之心向於太

子而說偈言

希有清淨智慧人 善順於諸世間法

自己該通一切論 復更來入我學堂

如是書名我未知 其本悉皆誦持得

是為天人大導尊 今復更欲覓於師

夫神理無聲因言辭以寫意言詞無跡緣文

字以圖音故字為言語言為理筌音義合符

不可偏失是以文字應用彌綸宇宙雖跡繫

翰墨而理契乎神管造書之主凡有三人長名曰梵其書右行次日佉盧其書左行少者蒼頡其書下行梵佉盧居于天竺黃吏蒼頡在於中夏梵佉取法於淨天蒼頡因華於鳥跡文畫誠異傳理則同矣仰尋先覺所說有六十四書鹿輪轉眼筆制區分龍鬼八部字體殊式准梵及佉盧爲世勝文故天竺諸國謂之天書西方寫經同祖梵文然三十六國往往有異譬諸中土猶有篆籀之變體乎案蒼頡古文泐世代變古移爲籀籀遷爲篆篆改或隸其轉易多矣至於傍生八體則有仙龍雲芝二十四書則有指真鍼多名實雖繁爲用益尠然原本定義則體備於六文適時爲敏則莫要於隸法東西之書源亦可得而略究也 又佛本行經云時淨飯王復集群臣言何處有師最便武伎教我太子諸臣報王此處有釋名爲善覺其子名羸提提婆隋言天言堪教太子兵戎法武其所解知一切凡有二

十九種善巧妙術不略忍天向王云臣甚能教王爲太子欲遊戲故造一園苑名曰勤劬是時太子入彼苑內遊戲或令按摩時彼五百釋種臣悉爲其兒古先一切書典教於太子及自釋子亦如是教又復世人積年累月所學問者或成不成太子能於四年之中及餘釋種皆悉學得通達無礙一切自在是時忍天即爲太子而說偈言
汝於年幼時 安庠而學問 不用多功力
須臾而自解 於少日月學 勝他多年歲
所得諸伎藝 成就悉過人
爾時太子生長王宮孩童之時遊戲未學年廿四
蒲八歲出問詣師入於學堂從蜜多及忍天所二大尊邊受讀諸書并一切論兵戎雜術經歷四年至十二時種種伎能遍皆涉歷既通達已隨順世間悅目適心曾於一時在勤劬園遨遊射戲自餘五百諸釋種童子亦各在其自己園內嬉戲時有群鴈飛行虛空是

時童子提婆達多彎弓而射即着一鴈其鴈被射帶箭遂墮悉達園中時太子見彼鴈帶箭被傷墮地見已兩手安徐捧取已跣跌安鴈膝上以妙滑左手擎持右手按箭即以甕密封其瘡是時提婆達多遣使來語太子言我射一鴈墮汝園中宜速付來不得留彼是時太子報使人言鴈若命終即當還汝若不死者終不可得時提婆達多復更重遣使人語言若死若活快須相還我手於先善攻射得云何忽留太子報言我已於先攝受此鴈所以然者自我發於菩提心來我皆攝受一切衆生況復此鴈而不屬我以是因緣即便相競聚集諸釋宿老智人判決此事是時有一淨居諸天變化作老宿長者入釋會所而作是言誰養育者即是攝受射着之者即是故捨時彼諸釋宿老諸人一時印可高聲唱云如是如是如仁者言此是提婆達多童子共於太子最初構結怨讎因緣

杜

廿九

廿五

云

捕力部第三

如因緣經云太子至季十歲與兄弟捕力與萬眷屬將欲出城于時有一大象當城門住諸人皆不敢前提婆達多以手搏頭即便躡地難陞以足指挑擲着路傍太子以手執象擲着城外還以手接不令傷損象又還甕時諸人民歎未曾有深生奇特四遠人民百千萬億皆集來看園中有七重金鼓銀鼓鍮石銅鐵等鼓各有七枚提婆達多最先射之徹三金鼓次及難陞亦徹三鼓太子憊弓弱取庫內祖王一良弓無能張者太子在坐以手拚弓聲悉聞城內百千國人及虛空天子舉聲嗟嘆以放一箭徹過諸鼓然後入地泉水流出又徹過大鐵圍山 又佛本行經云是時太子所射之箭天主帝釋從虛空中秉執將向三十三天至天上已爲此箭故於天中建立箭節常以吉日諸天聚集以諸香華供養此箭乃至於今諸天猶有此箭節日又

太子執箭一射便穿七鐵猪過七鐵猪過已
彼箭入地至於黃泉其箭所穿入地之處即
成一井於今人民常稱箭井又太子共諸釋
種相撲並皆卧地其體不傷又一切釋種一
時共撲太子太子以手觸彼皆悉倒地尔時
彼釋及諸看衆皆生奇特之心於上虛空無
量諸天同以一音而說偈言

十方一切世界中
悉皆力敬如調達
大人威德力無邊
聖者威神力廣大
假使不動須弥山
一觸能碎如微塵
及以諸餘一切寶
况復撲此少力人

并及十方諸山等
鐵等強鞭金剛珠
大智力能末如粉
尔時諸天說此偈已將諸種種天華散太子
上於虛空中隱身不現時淨飯王知其太子
所有伎能皆悉勝彼一切諸人自既眼見踊

世

朱林九

廿六

躍喜歡勅喚白象瓔珞莊飾令太子乘將入
城內從城門出是時提婆城外而入見此白
象而問人言此象誰許欲將何處其人報言
欲將出城擬悉達乘欲入城內提婆達以妬
嫉故便以左手執於象鼻右手築額一下倒
地宛轉三匝遂即命終白象卧地塞彼城門
衆人往來不通出入道路填咽不能得行復
有童子名曰難陀相續而來問知事已即以
右手執彼象尾牽取離門可行七步許太子
復問誰牽離門衆人言難陀太子言善哉難
陀作事善也太子思惟彼等二人雖能示現
其自氣力但此象身甚太龐壯於後壞爛臭
熏此城門以左手舉象以右手承從於空中
擲置城外越七重墻度七重塹既擲過已離
城可有一拘盧舍而象墮地即成大坑乃至
今者諸人相傳名於此處爲象墮坑即此是
也尔時無量百千衆生一時唱言希有奇特
未曾聞見而說偈言

調達築然白象已

難陀七步牽離門

太子手擎在虛空

如以上塊擲城外

集一切福德三昧經云尔時毗耶離大城有大力士名曰淨威德成就大力闇浮提中所

有衆生無有等者聞沙門瞿曇成就十力那羅延身復作是念我當往觀沙門瞿曇何如

朱林九

廿七

云

我也即往佛所初觀如來得大信樂禮如來足一心觀佛世尊知己心欲降伏即告目連汝往取吾昔菩薩時為妙瞿夷釋種擁力時箭目連白佛不知何處尔時世尊從右足放光遍照三千世界之下大金剛輪箭在彼堅住佛告目連汝見箭不目連白言已見佛告

目連汝取持來時大目連即下至彼如屈伸臂頃一切大衆皆見其去即便持來授與如來佛言此父母生力非神通力若以神通之力是箭即過無量無邊諸佛世界

校量部第四

如集一切諸功德三昧經

云佛告目連如一切四天王中一切天子力

等一天王力十天王力等三十三天中一天子力一切三十三天中天子力等一帝釋力十帝釋力等焰摩天中一天子力一切焰摩天中天子力等一焰摩天王力十焰摩天王力等一兜率陀天中一天子力一切兜率陀天中天子力等兜率陀天王力十兜率陀天王力等一化樂天中一天子力一切化樂天中天子力等一化樂天王力十化樂天王力等他化自在天中一天子力一切他化自在天中天子力等一他化自在天王力十他化自在天王力等一魔王天中一天子力一切魔王天中天子力等魔王力十魔王力等半那羅延力十半那羅延力等一那羅延力十那羅延力等一大那羅延力十大那羅延力等一百劫修行菩薩力十百劫修行菩薩力等一千劫修行菩薩力如是已下展轉十重加之乃至十方千千萬劫修行菩薩力等一無生法忍菩薩力十無生法忍菩薩力等一十地

菩薩力十十地菩薩力等一最後身菩薩力是故目連菩薩成就如是力故生便即能行於七步若此世界佛不持者便壞不住何以故菩薩當其生已行七步時此界大地縱廣六十千由旬菩薩生已當下足時便當都深百千由旬遠舉足時復當涌出百千由旬

以佛持故今是世界不動無壞衆生無惱最後身菩薩始初生時則便具有如是力假使一切世界衆生悉得具足垂成菩提菩薩之力補於如來處非處智力百千萬億分不及其一乃至算數譬喻所不能及得具如是十種之力名為如來應正遍覺此中不明菩薩通力若用通力能以恒沙世界置於足指一毛端上擲過無邊恒沙世界如是往來不令衆生有於苦惱如是神力不可稱量不可數知若當如來盡現通力者汝等聲聞尚不能信況餘衆生今時淨威士聞說菩薩父母生力聞已驚恠身毛皆豎生希有心憍慢皆

滅歸依三寶發無上心
法苑珠林卷第九

音釋

杜九

邃維遂切 萃秦醉切 俾私列切 臃音較 嶺音嶺
 切籟筍切 下相詰切 葉切 施余之切 墟去魚切 廐居舍切 駒舍也切
 瘡切 中切 唄切 遺切 續紛下切 下尺文切 廐馬舍也切 駒舍也切
 拘音 駿渠上切 子紅切 馬下名切 羔谷上切 犢姑勞切 牛兒下切 犢徒
 正朱作切 欲燭切 襟今音 鋪音 航切 合枉橫切 孟紆切 非理下
 薨切 子弘切 逝襲下切 大計切 慨口漑切 惋切 賈賈切 理下
 夫音 踣腸下切 直市充切 羊切 代音 捕角音 潛昨益切 昌甫志切 登切 哇切
 隴下上切 戶圭切 腫切 溉孤切 晒切 忍切 悛尺氏切 該切 古哀切
 唐佐切 特音 逋切 孤切 晒切 悛尺氏切 該切 古哀切
 頡奚結切 籀直又切 泐尙專切 隸郎計切 措口皆切 鍼深職切
 直切 輸音 拼北二切 鞭強下切 挑擲切 下吐音